


# میں تیری ہو مکی

عائشہ اسلم



میں تیری ہونگی

خالی

میں تیری ہونگی

عائشہ اسلم

سانچہ

سبھے حق راكھوئیں

ناں كتاب	:	میں تیری هو مکی
شاعرہ	:	عائشہ اسلم
مکھ چتر	:	نقش حیات
فوٹوگرافی	:	خلیل شاہ
پہلی وار	:	مارچ 2009ء
تعداد	:	500
چھاپا خانہ	:	شرکت پریس لہور
مُل	:	120

aaysha.aslam@gmail.com

ISBN:978-969-8957

سانچہ

**THANKS**

**FM 103**

MANAGEMENT AND PRESENTERS

AND OFCOURSE MY LISTNERS

AMJAD SALIM AND MEHBOOB ALAM

KHAQAN AND FAMILY

AFZAL SAHIR

---

**MY DAUGHTERS**

**&**

**SONS**

**ALL THE LOVED ONES**

خالی

## سارنی

13	میں تیری ہونگی	-1
19	سب توں پہلاں سلامی	-2
20	احد	-3
22	نعت	-4
24	پہلا اسم ﷺ	-5
25	مولا علیؑ	-6
26	چٹھی	-7
27	توں آپ جمال کمال تھیویں	-8
28	میں یک رنگی	-9
28	نہ رب بھلیا	-10
29	مالک	-11
29	اتھرو	-12
30	چرخہ	-13
30	انتر باہر	-14
31	ساہنواں دی پکار	-15



31	درد	-16
32	منت	-17
33	محرم	-18
33	سوہنیا وے	-19
34	حاکم	-20
35	سادوی	-21
37	ربا وے	-22
38	پیڑ	-23
40	میں ناہیں سب توں	-24
43	محبت توں محبت تیکر	-25
45	ماں کہندی اے	-26
45	میں کہندی آں	-27
45	ماں نے دسیا	-28
45	میں آکھنی آں	-29
46	لیکھ	-30
47	جے موڑ سکنی ہیں موڑ	-31
48	بابلا وے	-32
49	کچھلی عمریں	-33
50	نہ کوئی رانگلا چوڑا پائے	-34
51	توں ہی توں	-35
52	من بھید	-36

53	تاھنگ!	-37
54	کیویں کتاں پونیاں	-38
56	میں دُھپ دی جائی	-39
56	سچ	-40
59	جوگ	-41
61	کدی آمل رانجن	-42
62	تری اگ چ رچی	-43
63	کھیڈ	-44
64	ڈنڈا ڈولی	-45
65	لہو تے لوں	-46
66	نی میں جھلی	-47
67	پاندھیا!	-48
67	پندھ	-49
68	کوک	-50
69	چنھن کنڈے	-51
70	مان	-52
71	صدقے	-53
72	کچھی وچ پائے جگراتے	-54
73	دان	-55
74	سُوت	-56
75	سُفنا	-57

76	بجن مینڈے پیریں بھٹے چھالکے	-58
77	پہلی پوڑھی تے دھریا پیر	-59
78	دھرت کولوں اج اُچی ہاں	-60
79	ملاپ	-61
80	جیوندیاں جی مر مکن والے	-62
80	؟	-63
81	کور مینڈے در آئیانی	-64
82	نچ کے یار منیدا نہیں	-65
83	تریہہ مکی	-66
84	چانن	-67
85	لج	-68
86	حیاتی	-69
87	چھل	-70
88	مکدی مُکا	-71
89	میں سُنیا اے	-72
90	حیاتِی نی	-73
91	پنگھ	-74
91	مہنا	-75
92	آتن وچ اوہی	-76
94	پتن	-77
95	بول رانجھن	-78

96	جے توں رانجھن بننا	-79
97	بھورا بھورا سُفنے	-80
98	کیویں	-81
99	نی میں آپے لائیاں	-82
100	تینڈے انگ رچی	-83
101	کدی تاں کھڑن پھل مکھانے	-84
101	سانجھ	-85
102	مینڈے چاراں پاسے بھور	-86
103	پریم کئی نا تلک میں لاواں	-87
103	شگن مناون سکھیاں	-88
104	جوگ بیراگن	-89
105	اڈیک	-90
106	رانجھن ویہڑے وڑیا نی	-91
108	امہڑیے	-92
109	کافی	-93
112	گورتمرنی بھری	-94
117	Confession	-95
119	آسکھئے ہک کافی لکھیے	-96
121	وے میں پیر مناون چلاں	-97
123	تینڈے دوار	-98
124	شاہ حسینا	-99

125	باہو	-100
126	ہونی	-101
127	کوک فریدا	-102
129	یار فریدا	-103
131	درگا ہواں تے جلی پاؤ	-104
132	بکھے شاہ	-105
133	وے بکھیا	-106
135	بکھے شاہ	-107
135	بکھے شاہ جی	-108
136	شاہ عنایت جی	-109
137	شاہ ہوراں دی بھینٹ	-110
141	بابیاں لئی	-111

## میں تیری ہونگی

خوئے حیات وچ کنی واری میں صفر ہوئی تاں فیرا گے ٹرن لئی پینڈا کیتا۔  
پھٹیاں اڈیاں تے چھالکے بھرے پیراں نال کوئی کنا گُوٹر سکداے۔  
ایدی پیڑ اوہی سگی ساتھی جانن جو ایس دے راہی نیں۔  
میں جانی آں کہ پندھ مگن آلائیں پر ایہہ جاننا چوکھا ضروری اے کہ  
راہ کت ول جاندی ہے۔ او سے دے ناں ایہہ سارے حرف،  
تے ایہہ خالی ورتے تے ادھ پچدے بول!  
جس دان کیتے او سے در تے حاضر آں تے نیویں سرنال متھا ٹیکدی آں۔  
سجنو! میں نہ تے کسے بھید نوں جانی آں تے نہ سائیں دی رمز پچھانی آں۔  
میرے کول نہ کسب ہے کوئی، نہ ہی کوئی ول آوندا اے۔ جو کج دی سریا بنیا۔ جو  
کج سائیں دتیا او سے گھنی چھاں دے ناں۔ جے قبول کرے تاں بیڑا پار میں  
تاں انتا روہی آں۔

جے نہ مئے مُل نہ جانے تاں اوگن ہار..... پراوہ جیڑا سب دے لیکھ  
لکھدا ہے تے سوھنا راس رچا وندا اے..... اوس توں صدقے جانواں۔  
مترو! ناں تے میں آپ دی رحمت توں انکاری آں تے نہ ہی مایوسی  
میرے پیراں دی دھوڑ ہے۔

میں تے اپنی ہوند تے خوش آں تے میکوں اُکا ایس گل دی پرواہ نہیں  
کہ کون کیہہ کہوے گا..... کیہہ سمجھے گاتے کیہہ سوچے گا۔ جدوں ایہہ کتاب لکھی  
تاں مینڈی اپنی کتاب عکس حیاتی نیں ساہ گھفنی ائی و ت مینڈی تھان اُس حیاتی  
نیں پار پنیڈا کٹیا تے میں اپنی داری اڈیکنی پئی آں۔ خورے کدن میل ہو سی  
بھلا۔

کیوں جے میں تیری ہوئگی آں!

صرف تیری  
جوگن

عائشہ اسلم  
مارچ ۲۰۰۶

شاہ حسین دے ناں

چنگی ہاں کہ مندی ہاں  
صاحب تیری بندی ہاں



نا موجود گھڑیاں وچ وی اوہے موجود رہندا اے ہر پل

سوہنا نفرت تے محبت دونویں جھولیاں بھر بھر وٹدا ہے۔ میں صدقے - قربان

مالک ساڈے لین وچ گھانا ہو سکدا اے پر تیری دین وچ نہیں

اسیں حیاتی دے فرض پورے کردیاں ایہو سوچدے ہاں کہ اسی آپ اوہ سبھ کر  
رہے آں پر ایہ بھل جاندا آں کے اوہ اے کار ساتھوں کردا رہیا ہے تانجے  
ساڈا مان ودھے

سجدا متھے دا محتاج نہیں ہوندا کج انساناں دی روح وی سجدا کر دی ہے

اوہ جیہڑا سُر اس تے سازاں نوں بناندا اے راگ تے راگنیاں نوں چھیڑدا اے  
جاندا تے پچھاندا ہے اوہی ایناں آوازاں وچ سوز تے ساز بھر دا ہے دلاں نوں  
شانتی دیندا اے تے ایناں نوں محبت دے نور نال بھر دیندا ہے

توں معبود ہیں تیرے بعد ازل توں ابد تیکر ساری خلقت سجدا وچ

ہر شے دا بھیدی خالق - اوس دی چوری کون کرے؟



خالی

## سب توں پہلاں سلامی

سوہنے رب دے ناں  
وَت رسول پاک تے آل رسول  
وَت سارے صوفی شاعراں کوں  
اپنی دھی عکس  
اپنی جنم دین والی  
تے خاندان دے سبھ وڈکیاں نکلیاں نوں  
سارے متراں نوں  
تے سارے دشمنان نوں  
تے سب کولوں معافی  
میں اپنی مورت آپے مٹی گو کے بنائی  
چنگی ہاں کہ مندی ہاں  
صاحب تیڈی بندی ہاں!

احد

ڈھولن ماہی راس رچاوے  
ساڈی روحاں نوں پرچاوے  
نالے جان ہتھوں گھن جاوے  
کور ہے اتھے گوکن والا  
کور ہے تیکوں ہوڑن والا  
سارے سہکن پریت نوں  
تیرے لڑلگن والے  
ہور کسے درکین جاوے  
کس نوں جی نا حال سناوے  
ساڈے کول ہے اکورب!  
وحدت نا اوہ جام پلاوے  
اپنے آپ نی دھم مچاوے  
ساڈے لوں لوں وچ ساوے

ہراک راہ تے تینڈا پھرہ  
ہراک شے وچ توڈا ای مکھ  
کور نہ تیکوں مئے  
کور نہ تیں ول ونجے!

## نعت

میں سُنیا اے میرے آقا  
رحمت دا مینہ ورہدا ہووے  
تاں لیکھ وٹائے جاسکدے نیں  
میں سُنیا اے میرے آقا  
تسیں تاں جھولیاں بھر دے او  
وگڑے کاج وی  
پل وچ سدھے کر دے او  
میں سُنیا اے میرے آقا  
کہ تہاڈے دربار تے لوکی جاسکدے نیں  
روضے نی جالیاں چم کے آسکدے نیں  
خورے مینڈے لیکھ ج رب نے کیہ ہے لکھیا  
میں تہاڈی آس تے آقا

اپنی ساری پیاس اُٹو گھٹ وچ پی جاندی آں  
ہر نویں ورھے کوں  
گھٹ کے چھپی پاوندی آں

پچھلے ورھے نی میلی چدر  
ہر داری چھنڈ کے دُھے پاوندی آں  
تے سوچنی آں  
خورے الیس ورھے ای بجشی جاواں  
مینڈی حیاتی نے وی روزے مکن آقا  
میں وی شگن منداواں  
تھاڈے در تے پھیرے لاواں



## پہلا اسم ﷺ

پہلا اسم لکھاں میں تینڈا  
دو جا اسم محمد ﷺ ناں  
تیجا ناں علیؑ مولا ناں  
سارے حرف میں جوڑاں  
پنچتن پاک ہے بندا  
جس نیں ناں تے ہر بوہا کھلے  
سارے پیارے حرفاں نوں سر متھے لاناں  
آون والیاں نسلاں نوں  
ہو سبق پڑھاناں!  
تدھی تاں میں لکھیار کہاناں!

## مولا علیؑ

مولا علیؑ

وَلِیَا دے وَلِیؑ

مینڈی روح نے کاسے وچ

اپنی پریت ناموتی پاؤ

میکوں وی کجھ سبق پڑھاؤ

مینڈے پلے گن ناہیں

پر تہاڈی شان ہے مولاؑ

اکھیاں نے سُفنے وچ سحری سویرای پاندے او

مینڈے ورگے بے وساں وچ

نویں اُمید جگاوندے او

بے نشان لوکاں کوں

منزلاں وَل لے جانڈے او!

## چٹھی

صاحباً وے!  
سن حال دے ناں مینڈا  
بن بات گھلاں سنیہڑے پتر  
تے آپے منگاں میں پیڑاں  
وے میں پینڈے تے راہواں نیں  
تے ٹردی ننگی پیریں  
میں آپ سیاپے چنگدی  
تے ٹنیاں ونگاں کوں تکیدی  
توں آپ ہی جان جو بیتے  
میں مونہوں کج نہ منگدی  
توں روحاں نا وپاری  
میں جاناں اوگن هاری  
تینڈا ساتھ ہی میں منگدی  
توں لوں لوں بالیں مچ

توں ہی کوڑتے توں ہی سچ  
میں رنگ تینڈے وچ رنگی  
مینڈا بھوچھن لہو نال بھریا  
میکوں سب لوکاں نیں ڈنگیا  
توں آپے کریں نیاں  
تری ہاں وچ میری ہاں!

## توں آپ جمال کمال تھیویں

مینڈے لوں لوں دے وچ حال تھیویں  
میں کیس دے وس نہ رہیاں  
تو پکڑ لیاں جد بہیاں  
تے پیراں نوں بیڑیاں پیاں  
مینڈے ورگیاں سنیاں کہیاں!

دے میں پڑھ لئی نماز ہجر دی  
تے سا بنھ لیا پریت نا گانا

## میں یک رنگی

میں یک رنگی  
توں ست رنگی  
کیوں کر یے ملاپ  
کیوں لہیے اپنا آپ!

## نہ رب بھلیا

نہ رب بھلیا  
نہ جگ بھلیا  
نہ بھلی میں اپنی ذات  
پریت مینڈی کیس نال؟

## مالک

مُری وچ سرکارنی بولی  
سُچے رب نہیں پیار دی بولی  
کل تھائیں منٹھار دسے  
سوہنا سچا پیار دسے!

## اتھرو

وچ رکو کی پھس گئی جان  
کتھے رہندا ہے رجن؟

## چرخہ

سوت ہنجو نا کندی رہی  
ورھیاں دیاں تونباں  
درداں والیاں وندی رہی  
ہک ائی تے دل سی  
کس کس روح چ بھردی رہی؟

## انتر باہر

انتر باہر  
توں ہیں ظاہر  
وَت گھنڈ کا ہے راکھے  
کھول دے میرے آکھے!

## ساہنواں دی پُکار

تینڈے عشق سمندر وچ  
میں لہراں لہراں ڈبی ساں  
نگھ تینڈے نی دلدل وچ  
گوڈے گوڈے کُھھی ساں  
تے کنبدی ساں

ڈھولا

لے توں سار وے  
جند نہ جاوے ہار وے!

ورد

کائنات نی تسبیح پڑھ  
دل اپنا وت تختی کر



## منت

چیر رتے سُفے منگے  
مینڈے کھڈونے میتھوں چنگے  
رج کے ہستے  
مینڈے جُٹے  
پنگھرے پھل جدائیاں والے  
حال دہائیاں والے  
ربا وے  
موڑلے مینڈے ساہ!  
نہ بن سائیاں بے پرواہ!

میں جوگن اپنے رب نی ہاں  
تے اُسے نادر د بھی کرنی ہاں

## محرمہ

محرمہ  
میرے ورہیاں نوں ہونج کے  
جیڑے وی پل بگن گے  
دس اوہناں دا  
مُل ہے کیہ؟

## سوہنیا وے

میرے رزق توں کیوں انکاری ہیں  
پہلاں ورگے غم  
ہُن کیوں نہیں دیندا؟

## حاکم

میتھوں گل کہی نہ گئی  
ایسے لئی میں  
آپے چیمھ نوں ٹکيا  
تے دل تختی تے لکھیا اوہدا ناں  
سیونی!  
میں شانت ہوئی  
جیون لئی اک دان ہوئی

رُکھا وے  
توں میرے دبھڑے چھاں کیتی  
رَب میرے ناں تے ہاں کیتی!

## ساوی

نی مینڈے ہتھاں تے مہندی نہ لاؤ  
تے نہ وٹنے نال دھواؤ  
نہ شگناں نے گیت سناؤ  
کہ میں سہاگن کہاونا چاہندی ہاں  
میں بھاگ بھری ہاں رب دی  
وت انسان کوں کیویں لبھدی  
میں تاں سارے گہنے اوہدے ناں تے پائے  
چیرے لتے سب رنگ رتے  
اوس نے ناں  
جس رنگاں نی کھیڈ رچائی  
من اندر ہک بوٹی لائی  
نی تسیں ایس ملاپ تے جدائی نوں جرناکہ جانو؟

میں ہی ایس نے سُفنے دی لاٹ بلائی  
وٹ کے رگاں دے دھاگے نال  
پریت نی جوت جگائی  
جیہڑی انتاں نوں پوری آئی!

## ربا وے

ربا وے

تریڑاں نہ دسدیاں  
نہ زخماں تو لہو رسدا  
نہ کسے اکھ نوں دسداں

ربا وے

ساڈے تاں بلدے دیوے بجھ جانڈے  
تے منت دے چھلے ڈھے پینڈے  
دعاواں لئی حرف کتے گواچ جانڈے  
فیر حاجت پوری کیویں ہوئے؟  
اسی بن ہنواں دے روئے!

پیر

لوکی کہندے  
رَب لہو تے مل پیندا اے  
میں تے لکھ درگا ہواں دے دیوے بالے  
تسبیاں پھرولیاں تے نفل پڑھے  
فیرا وھدی پرچھائیں توں اک لو بنائی  
پر اوہ گوندا نہیں  
تے جھدوں کدی ہنکارا بھرے  
میرا تے دل ڈردا اے  
خورے ہُن کیہ ہووے؟  
زمیں دا پاسہ پر تے گا  
تے جگ مووے گا  
پر اوہ تاں نویں لوک گھڑے گا  
دیویاں وانگ اوہ جگن گے

بجھ جاوَن گے  
فیر پاوے گا نوں پیری  
تے پنگرن گے پھل  
اوہ وی ائمل  
سبھ دی حیاتی پھرونی آں  
تے پکھنی آں  
سبھ دی پیڑ ودھیری جا پے  
پر جد میں رب دی پیڑ نوں چنگیا  
تے گروتن سہی نہ گئی



## میں ناہیں سب توں

جدوں توں چاہویں

میکوں ظاہر کردیں

جدوں کہویں

میں لگ جانواں

بس ہک تیرے ناں دا ورقہ پڑھدی جانواں

جدوں توں آکھیں

تے چدر لاہواں

جدوں توں آکھیں

لوکائی مینڈے توں نے

جدوں توں آکھیں


کل جگ مینڈے بوہے ڈھکے

جدوں توں آکھیں

میں روپ وٹانواں

جدوں توں چاہویں

میں توں بن جانواں!



خالی

## محبت توں محبت تیکر

پہلا پیار ماں دا ہی ہوندا اے تے فیر ساری حیاتی اوسے دی گودنوں لہدیاں  
بھٹکدیاں گزر جاندی اے۔ جدوں کوئی بچہ بولنا سکھدا اے اوہ گھٹ حرفاں نال  
اشاریاں دی زبانی اپنی بات سمجھاند اے فیر سکول دی استانی اوہدا آئیڈیل  
ہوندی اے دھیاں لئی پیو ہمیش مثالی ہی ہوندا اے ماں دی پیڑ ماں بنیاں بغیر نہیں  
جانی جاندی استھے ماں تے دھی دا پیار اک نویں موڑ تے اپڑدا ہے۔  
زنانی دے ہر روپ دی محبت ہر عمر دی ہر گھڑی دا اک نوئلکا تجربہ ہوندا اے۔  
ماں عورت دی تکمیل دا ناں ہے جیہڑی آپ پھیتی پھیتی ہو کے دوجیاں دی حیاتی  
نوں جوڑدی ہے۔

ماں دا اکلا پکا کائنات وچ چیکاں ماردا اے ازل توں ابد تیکر۔

تیری ورھیاں دی تپسیا جہماں دا گیر ہے ایناں دا قرض چکا ونا میرے جیون دے  
وس وچ نہیں۔

زنانی ہونا حسن دی علامت اے تے ماں ہونا زندگی دی ضمانت۔

میں حیاتی بارے نہیں جاندی پر مینوں اے پتا ہے ماں کہ محبت دیاں گوڑیاں  
لیکاں میرے ہتھ وچ نہیں۔

ماں حیاتی دی سب توں اہل شے محبت دا بے لوث جزیہ بس دین ہی دین ہے  
منگ نہیں

ہانواں دی پھلکاری سانوں راس فی مائے

## ماں کہندی اے

کہ خوشی تے پیار و نڈن نال وادھا ای ہوندا اے سوچو کہ اک بی پاون نال کنیاں  
والیاں نکل دیاں نیں  
اک اسمان دی سرحد توں اک ہور اسمان کھلدا ہے

## میں کہندی آں

میری مٹھی بچ میرا مسلیا ہو یا دل ہے کیہ ایہدا کوئی مل دیوئے گا؟

## ماں نے دسیا

ادناں ہی لہجہ جھی شے تیرے کولوں سانجھی جائے نہیں تاں جھل پنا تیرا لیکھ

## میں آکھنی آں

پہلوں اپنی ذات بچ لگے خزانے لہجو فیر کسے دی کھوج کرو نہیں تاں آپ گواچ  
جاو گے

لکھ

واگاں پچھاں موڑنی مائے  
لیکھاں تے کیہہ زور نی مائے  
نیت داسچا سی موتی  
لوکاں وِتا مدھول نی مائے

پیراں پیٹھ ہے جنت میری  
تے میری جنت ہے دور  
ایہو سچ تے ایہو گور !

## جے موڑ سکنی ہیں موڑ

ماپے انھے، گل نہ مئے  
ٹور دیون کتے ہور  
جتھے جند نہانی منگدی  
اوہ رانجھن کوئی ہور!

اوہ مینڈا چت چورنی مائے  
تھاں تھاں پے گیا شورنی مائے



## بابلاوے

تینڈے ویہڑے توں ٹریوں  
تے چھتر چھاں وی کھسی  
پر بجن نی رات ہے لمی  
پیر مینڈے بھراں نیاں جھانجھراں  
کاہنوں رہن چھنکدیاں؟

برہا مینڈا ناں  
تیں تیکر کنج آنواں  
کیویں لیکاں ٹپاں  
کیویں راہواں میچاں  
تن مینڈے ماہی نیاں سیخاں!

## کچھلی عمریں

سدا سہاگن بھیرویں وانگوں  
رت رت نے وچ کوکے  
پل جوانی رہندی نہ مٹھ وچ  
بھرواسے نی سٹھی کندھ نال ڈھولاوے کور  
اپنے آپ کوں بھالے کور  
سُنجا من پرچاوے کور؟  
ویرن ہوئی ہر پیڑ  
رگاں کوں گنڈھیاں لاوے کور  
کھارے میکوں چڑھاوے کور؟

## نہ کوئی رانگلا چوڑا پائے

نہ کوئی رانگلا چوڑا پایا  
نہ اکھیاں وچ کجل پایا  
نہ چھٹکائیاں وٹگاں  
نہ میں پیریں لچھیاں پائیاں  
نہ سنگ سکھیاں نچیاں  
نہ گل لگ کے رُنی میں  
نہ کوئی چیک سُنی میں  
نہ میں کن کہار ہی آئے  
نہ کوئی رانجھن یار سدائے  
فیر کیوں شک نی چھلتر پُودی  
فیر کیوں میں تے وساہ نہ کردی؟

## توں ہی توں

جد پریم کہانی چھوہی سی  
میں بابل ویٹرے روئی سی  
جند پیڑ دے کارن کھوئی سی  
ہُن میں وچ میں نہ کوئی سی!

جاگ فی جندے جاگ  
کدی تاں لگسن بھاگ  
کدی تاں جانیں سہاگ  
کدی تاں مٹسی  
برہوں دا تاپ

## من بھید

کلر گلی جوانی  
نہ ملیا ہان دا ہانی  
نہ میں کہائی رانی  
چنگی کھیڈ ہے سجن رچائی  
کسے ہیر کوں ملیا نہ ماہی  
بھاویں ورھیاں گُوک مچائی  
نہ سنے رب  
تے نہ لوکائی!

اگم دے راہ وِل پیر کھلے  
کدی تاں ملسی نین جڑے

## تاھنگ!

مائے نی!  
مینوں سوہا جوڑا نہ راس  
ایہ وڈے میرا ماس  
میرے لُوں لُوں نیلی لاس  
کیہ ہوٹھاں دی تریہ مر جاندی اے  
کیہ اسیں بھل جاندے ہاں  
کس نوں کیہ لوڑی دا  
زنانی نوں اوکڑ کیہ ھے؟  
رانجھن نوں میری سیک  
پر مینوں اپنی

## کیویں کتاں پونیاں

کیویں کتاں پونیاں  
پیڑاں ہونیاں دُونیاں  
تند اکہری پیندی نا  
ترنجے ج سکتھی کوئی بہندی نا  
سُجھ سجا دیہڑا  
آس پون دی چلے نا  
سُکھ سنیہوڑے گھلے نا  
پریت سیک نا جھلے نا  
مائے نی!  
میکوں کتنے دا چاء  
وٹے نا چاء  
پر دل تکلے نوں کیہ سمجھاواں؟  
دل دیہڑے لئی

بو کر کتھوں لیاواں  
ایس استھان نوں  
پوتر کیویں بناواں  
کہ رانجھن پھیرا پا ونجے!

مائے نی میکوں کھیڈن نا چاء  
پر حال میکوں کھڈا وے کون  
بھید نفس نا پا وے کون  
کیکوں مرشد یار سدا میں  
میکوں پندھ تیکر اپڑاویں!



## میں دُھپ دی جائی

اُنکل چھاپ مینڈے موہن دی  
آپ سہاگ میں سوہن دی!  
ہُن کس نوں اڈیکے ماں  
چھاں منجی دھریکے ماں!

## سچ

گُوڑ ہے جگ سارا  
گُوڑ مات پتا ہن جمدے  
گُوہڑے رنگ حیاتی رنگدے  
سمھو ساک کریون چھل وے  
ساکوں لھے گُوڑے پھل وے



خالی

## جوگ

جوگ کیہنوں کہندے نیں  
کتھے جاگن دا ناں تے جوگ نہیں؟  
کیہ جو اسی کھٹیا او سے نوں گنوانا  
کیہ کھوہن تے پاؤن اکو نیں  
یا فیر ایانا دے سواد دکھرے نیں  
کے وی شے نال کوئی فرق پیندا ہے کیہ نہیں؟

جوگ نرا روگ ہے جس دا دارو کسے بندے کول نہیں  
پر جہاں عامال نوں اوہ خاص بنا دیوے  
کیتے ایہ سبھ چھل تاں نہیں  
انسان دی حیاتی بچ امید دے دیوے دا بلنا کیوں ضروری اے؟

میرا اپنا گھڑیا مکھ مینوں بوہت پیارا ہے۔ کجھ سکیاں دی عزت ہے پونجی میری  
حیاتی دی۔

ایہ کیویں فقیر دے کاسے چ ڈوہل دیواں جھیدا کاسہ تے کدی بھردا ہی نہیں!

## کدی آمل رانجھن

اوکھی گھاٹی  
مینڈے پیراں نی کڑی  
کور ہووے  
جیہڑا ہتھ ایکوں لاوے  
اگاں بھریاں  
رج کے کھریاں  
کھوٹیاں دے سنگ یاری  
کیہہ میں آپے لائی؟

## تری اگ چ رچی

وے ڈھولن ماہی  
چت ہو گیا راضی  
جد توں ساراں لتیاں  
مینڈی ہوند دا کارن دسیا  
مینڈی چیک نوں چُمیاں دتیاں  
میں گُوڑ توں ہو گئی آں سچیاں!

میں اپنے آپ نوں چوہنڈی وڈھی  
ایہو ای سچ سی  
اج ججن میرے گھر وچ ڈھکے  
تے نچدی پھرے بہار

کھیڑ

پگن سارے وارو واری  
مینڈے سر نہ آئی پھلکاری  
سُفے ویچ حیاتی چٹی  
سواد آیا دلداری!

میں نیناں دے آکھے کیویں نہ لگدی  
میں آپ کولوں دس کیویں نسدی؟



## ڈنڈا ڈولی

کڑی توں میں ہوئی زنانی  
ڈنڈا ڈولی کھیڈنی  
خبر نہ آئی  
گور سے دی ودیاعی!

نکامل حیاتی ناہیں  
عشقے دی کنڈی پانویں  
تاں اہمل ویلے کوں ہتھیں لائویں!

## لہوتے لوں

میں گیراں کھوہ  
لہوتیڈے نا  
گھڑے بھریندی نہ تھکاں  
مکھ گھونگھٹ نہ کھولاں  
مول ادھار نہ رکھاں  
پریت تیڈی لوں لوں وچ نچے  
ہور میں کیس ول تھکاں؟

## نی میں جھلی

سیانف دی مینوں گڑھتی ناہیں  
پیار کرن دی سرت وی ناہیں  
وَت عشقے نی گل کتھ کیہہ؟  
مٹی نامٹی نال ویر  
دُھکے درتے سارا شہر  
سارے کاسے چک کے پھرنے  
مینڈے ہتھ تے مینڈا سر  
وڈھے ہوئے انگاں نال  
میں ماہی نوں لوچاں  
سدھراں بھری کھاری  
میں سرتے چائی  
لوک کہن ہُدائی!

پاندھیا!

پاندھیا!  
گھن سنیوڑا مینڈا  
دیں سوہنے یارنوں  
روحاں نے قرارنوں  
جُتے تے اکھ گڑے  
بھرنیں پریت گھڑے!

پندھ

لکھ وار میں توٹدے دوار گئی  
پر پندھ نہ مکیا  
جندہٹی ہدار گئی  
وَت بی مل نہ وٹیا!  
حیاتی چوں کیہ کھٹیا؟

## کوک

دھرتی داتوں چور  
شور مچاویں زور و زور  
واج ورو لے وانگوں پھر دی  
میچے جیویں شہر لہور!

سانجھ لے مینڈے دھاگے  
جند تینڈے لاگے  
کور ہے سائیں راکھے  
سجھے تن نی تانی کھچدے  
میں وچوں زنانی لبھدے  
اساڈی روح نوں بھالے کور؟

نی میں سُتی رہ گئی  
سسی وانگوں  
لُٹیا شہر بھنجھور  
ہر پاسے ہے چت چور!

## چُھن کنڈے

اساں تلیاں کیتیاں رتیاں  
چُھیاں ماہی وَل گھتیاں  
وَل پرت نہ آئیاں لکھیاں  
سفنے میچ کے  
جُئے نوں سدھا کیتا  
تے رُوح تے کھر چاں تکیاں  
اساڈی چُٹھیاں ہوئیاں سدھیاں  
جد نال ماہی ٹرسکیاں!

ساکوں لکيا عشق دا روگ  
ساڈا ازلاں دا ہے بھوگ  
پیراں راہیں پٹیا  
جہماں دا ریتا جوگ!

## مان

سبجاں والیو  
کدی سنجی منجی نی پیڑا جانو  
کدی تاں چدر نے وٹاں نی کہانی جانو  
لیکھاں والیو!  
کدی تاں ساڈے من وچ جھاتی پاؤ چا  
رتے لہو نال تلیاں ای نہیں  
سارا جٹا ہے رنگیلا  
کور ساتھوں اچا جمیا!

## صدقے

وار سٹے سب گہنے پاتے  
وار سٹے نیں ورھے پرانے  
ہُن میکوں کوڑیاں دی لوڑ ناہیں  
ہن سسیجے میکوں ڈنگنا ناہیں  
ہن سرتوں پیراں تیک نشانی بن بیٹھی آں  
آپے رانی بن بیٹھی آں  
کور مینڈی ہن رلیں کرے  
مینڈے ورگی کور جنے؟



## کچھی وچ پائے جکراتے

کچھی وچ پائے جکراتے  
تے کوٹھے توں کاگ اڈاواں  
نگی پیریں نسنی جاواں  
واگ پھڑائی گھن کے آواں  
کور پنڈے نوں کجے  
گُوڑ ہوون کنج سچے!

وے میں جوگ تیرے وچ نیچیاں  
نہیں گُوڑی میں تاں سچیاں

## دان

حیاتی دان کرن نوں کہندی اے  
پر مل پاوندی نہیں ہنجواں دا  
سفنے کرچم کرچی کیہ منگن؟  
حرفاں نی بنتر وچ  
پریت نے دھاگے اُن کے  
ورھیاں نی چدر بنائی  
پر اس نہ آئی  
گوھرے رنگاں وچ  
رل گئے پھکے گیت  
کوک رہی ہے ونجھلی  
پر وقت نے کن وچ  
مندر ناہیں  
جوگ ہمار منگیسیاں  
تے کیل دیواں سب نسلاں کوں!

## سُوت

اکلاپے کون کت کے  
سوت بنایا سدھراں دا  
دھاگے گنھ کے لیکھاں دے  
چولا بنایا ہنجواں دا  
وَت ایہہ گھڑی ہے آئی  
کہ توں تے میں رل کے  
اسیں بنے ہاں!

سُفنا

صاحبہ!  
میں پریت دے لڑگی  
میں روون پگ کے ہسی  
تے جانی روح دی وات  
مینڈی رات ہوئی سہاگ

صاحبہ وے  
مکئی مُکا  
مکیوں گل نال لا!

## سجھن مینڈے پیریں پھٹے چھا لکے

لہو نال رسدے نیں  
کور مینڈی چنتا کوں جانے  
کور سنے گا وین  
دل مینڈے نے ٹوٹے کر کے  
سٹ دتو ای کاناواں  
تینڈے بانج نہ دردی مینڈا  
ہن دس رکت ول جاناواں  
درشن نوں روح لوچے  
دھرت ہی ہنجو پوچے!

## پہلی پوڑھی تے دھریا پیر

سائیاں تینڈی ہر دم خیر  
لاٹ مینڈی ہے تینڈا مکھ  
جان طپیا مینڈے دکھ  
پران ترے گن گاؤن  
تینڈا نام چتاؤن  
بھرواسے نی مالا  
مینڈے گل وچ پا  
دھرت کرے شنگار  
اسماناں پان دھمال!

مینڈی پیڑ ودھیری کر  
دل دھرتی کوں بیڑی کر!

## دھرت کولوں اج اُچی ہاں

بنا عشق نے ذات نہ ہوندى  
آپ ونجائیوں بات نہ ہوندى  
میں اپنے آپ چ لگی ہاں  
اپنی ہی ہو مکی ہاں!

چم دے وچ سماوے آپ  
بندی میں ہاں تیری صاب!

## ملاپ

سپنے وچ گھنڈ چایا  
راجنھن ماہی آیا  
نی مینڈا روپ سوایا  
درد اوڑا پایا  
سواد زہر نا پایا  
سیونی رل دیو ودھائی  
مینڈا بھاگ جگا یو ماہی!

سہاگن جیہڑی بجن بھاوے  
مینڈے کرماں لیکھ لکھائے  
جیہڑے من تیرے کوں بھائے  
توں دھرت تے چن ملائے!



## جیوندیاں جی مرئکن والے

اپنے آپ نوں کجن والے  
مول نہ لیندے ساہ وے اڑیا  
دھمال ہوئی آج سواہ وے اڑیا  
سوال بنی میں آپ وے اڑیا!

؟

واء ورو لے  
جند ڈکو ڈو لے  
کور گنڈھیں کوں کھولے؟

## کور مینڈے در آ یانی

کور مینڈے در آ یانی  
بوجھ بھارت پایانی  
وَت میوں از مایانی  
نہ کنیں مُر کی  
نہ گل وچ گانی  
نہ شکل پچھانی  
نہ دل آکھے پرایانی  
کور مینڈے در آ یانی؟

میں پُھل وچھائے راہواں تے  
جھومر پائے دل اندر  
اُج توں وڑیوں دوارے  
تے میں سہاگن ہوئی  
ایہدا مل نہ کوئی

## نچ کے یار منیدا نہیں

دھون گنھی سی سُفیاں دی  
پر بھٹکھیاں دی رنج نہ ہوئی  
ننگے پنڈے دی کج نہ ہوئی  
میں بگاں بھر بھروئی  
تے کسے نہ پچھیا میرا حال  
فیر میں ہر درگاہ اُتے پائی دھمال  
کسے وی دھلیڑوں اندر آون راہ نہ دتیا  
عورت دی کتھے مجال  
کہ اپنے سچ دا دیوا بالے  
تے کرے کوئی سوال  
اندر پیر دھرن دی نہ کوئی جاء  
نہ اجازت  
تے بنا سدے دے  
کوئی کسے گھر جاسکدا اے  
سدھراں دا گھنڈ لا سکدا اے!

## تریبہ مکی

لون نوں مٹی کرگیوں  
جھپڑے سارے مرگیوں  
بادیہ پانی گھٹ بتایانی  
وَت دید نا جام پوایانی  
من مینڈا پرچایانی  
جند سہانی کرگیوں  
انمل کہانی کرگیوں  
توں حال دی بانی جانی  
توں مینڈے ہان دا ہانی  
میں تاں ہک پل وچ بن گیوں  
میں تو نڈی بردی بن گیوں  
کل گُوڑ ساں ہن سچی بن گیوں!

## چائن

سونہ نہ کھاویں  
جیون مرن نی  
گور ہکے جاونا  
جس وچ بھی چائی  
جس وچ میں ساونا  
مڑھی تے بلسی لاٹ  
ایہو پئی دسدی  
مینڈے لیکھاں دی گرلاٹ!  
میں نہیں جھوک رانجھن دی جانا  
رانجھا آپ مینڈے گھر آونا  
مینڈی بھکھ تے تریہہ مکاونا!  
اوہدا سیو دور نکانا

لج

نچ حیاتے نچ  
تے سُن اساڈی گت  
نہ متھے پاوویں وٹ  
ساکوں چھاواں تلے گھت  
نہ وگا اساڈی رت  
ساڈے ہتھ وچ تینڈی پت!  
نہ رول پیراں وچ پگ

## حیاتی

گنہمن گھیر حیاتی ساڈی  
لہدی کیہڑے شوہ نوں؟  
سب سکھیاں نا سائیں جیوے  
سب نے سچاں چکھیاں  
سب نے بال کھڈائے کچھڑ  
سب روئیاں دوتھڑ  
سب نے بھیس وٹائے  
رل مل ککلیاں پائیاں  
سب ویہڑے وچ نجدیاں ٹپیاں  
سب ڈٹھن ہن سچیاں  
سب کن کوئی اپنا  
میں کن کوئی ناہیں؟

گنہمن گھیر حیاتی سب دی  
میں بردی ہاں اپنے رب دی!

## چھل

نی راویے  
چھلاں نی ساویے  
مینڈی بیڑی بنے لا  
شوہ ملے پتن نے راہ  
مینڈی سُدھ بُدھ لیندا ناہیں  
مینڈے ویہڑے وڑدا ناہیں  
کُج کردی پر سردا ناہیں  
عملاں باجھ نہ سائیں جھلنا  
داج عشق ناتلی تے دھرنا  
اوس ڈاھڈے نے تاں ہی مننا!



## مُکدی مُکا

مینوں پر دھان ملے  
توں سو ہاوا  
میں ہاں کوچھی  
کیکن وِت نہجے  
تینڈے کن میں  
جٹا پٹیا  
ہن ہڈاں ول تک دے سائیں  
لکھیا تیرے نائیں  
چھڈ دے جھیرا  
کر نیڑا  
جند کوں جان تے ملے  
ناں نوں ہاں تے ملے!

## میں سُنیا اے

ورھے نواں چولا پا کے  
بھنگڑا پاوندے نیں  
تے سمے نی سُرَت گنواوندے نیں  
نہ میں گھنگھر و بننا سکھے  
نہ میکوں نچن نی جاچ  
نہ ورھیاں ناں پگیا تھال  
نہ میں رَج کے پائی دھال  
وت بی ہر ورھے  
میں چیتے نال  
رَب نے اُچے بنیرے تے  
مٹی نے پکھیر و بنا کے دھرنی رہی  
سدھراں نی پوڑھی وی چڑھدی رہی  
کوٹھے اُتے ٹکڑ نی تھال  
اپنا ماس وی پاندی رہی  
پر جگن کوئی آیا نہیں!

## حياتيٰ ني

توڻ مينڊي آڪي ڪيوي لڪسي؟  
توڻ مينڊي روح آڻ ڪيوي پڙهسي  
حرف ڪتابون چڪن والي  
سب ني ڪو بهي هجي  
محرما و  
گهل مينڊي ڪن سنهيوڙي  
ڪاڻ وي نه بولي مينڊي نيري  
ڪوئي بهي وٽاڪي آونجي ها  
مينڊي ڪن بي گيت سناونجي ها  
تو هڪ گل وي مني  
مينڊي ستنان آڻ اڪلاپي نا داڄ نه ديوي  
مينڊي ڪن ڪوئي مرزا ڪتھي وسه ها  
مينڊي ڪن مهنوال پتن تھي آھي رکھي ها  
مينڊي ڪن بي ڪوئي جھولي پياره ها  
مينڊي ڪن بي روح ني مله ڪوئي گھلي ها!

## پینگھ

نی میں رنگلا پیڑھا ڈاہیا  
نی میں پریت نا ہوکا لایا  
تاں عشق نا رسہ پایا  
جند وی جھوٹی پینگھ وی جھوٹی  
پیر منایا  
گلم پڑوایا  
پرکیس کارن؟

## مہنا

کل ملکھنی جند دا مہنا  
تلی تے مہندی وانگ سجایا  
پرکیس کارن؟

## آتن وچ اوہی

آتن وچ اوہی  
باطن وچ اوہی  
جُٹے نے وچ روح نوں گُنھے  
پیڑا کرتند وچ سُنھے  
سیک دیوے حیاتی نوں  
جند جاتی نوں  
ٹکڑ کھاؤن والا آپ  
راس رچاؤن والا آپ  
آپ مہیں تے آپ ہے چاک  
ماس تے آس نال جڑیاں ہڈیاں  
سانجھ سجن کن دھریاں  
کیس دے ہتھ سنیہڑا گھلاں

جس کارن میں اگ وچ بلاں  
اوہ چاہوے تے کاسہ بن کے  
مگتی وانگ کھلوواں  
جیہڑا ہو کاں سندا ناہیں  
سندا ہے تے کوندا ناہیں !

## پتن

کوئی طیب سداؤنی  
مینڈا رانجن میگوں ملاؤنی  
جس باجھوں میں رُلی ہاں  
جس کن میں اوڑلی ہاں  
بوہا مل کے کھلی ہاں  
کوئی اوہدا درس کراؤنی  
مینڈا ور ڈھونڈ لیاؤنی  
مینڈی ڈولی ورت چکاؤنی  
مینڈی چیکاں نال کڈھاؤنی  
میگوں موت کنڈھے نہ لاؤنی  
پہلاں سوہنا میگوں تکاؤنی!

## بول رانجھن

بول رانجھن میں کیس نوں دساں  
ہک ہنیری کوٹھڑی وچ یاداں نا دھوں  
پونجیا وانگوں روں  
بول وے رانجن کیس نوں دساں  
رات مینڈی ماہی ول جیوندی  
دن وچ کماں کاراں  
ٹغے کمان ٹری سی ماں  
روح تتری انجان  
زخم حیاتی ملم ڈھونڈیندی  
کیویں اکیوں کجاں!



## جے توں رانجھن بننا

کن ونھالے  
مُندراں پالے  
بھیس وٹالے

جے توں رانجھن بننا  
پاٹے لیڑے پا کے  
ہوش ونجا کے  
رہ نوں ازمالے  
جے توں رانجھن بننا

## بھورا بھورا سُفنے

بھورا بھورا سُفنے  
کٹھیاں کر کر  
دلِ نی کٹوری وچ پائے  
ورھیاں نے ہنجو  
خورے کپھڑے مل تے وچن آئے  
ہٹیاں تے جندرے  
بکھاں تے تروپے  
کپھڑے ہتھیں لائے  
ویلے نے اخبار چ سُرخِ ناہیں  
سارے ورقے  
لہو وچ بجے  
ساہواں دا اک تارہ بولے  
ایک ہی بانی تُو بنا و جدا پریت والا  
میں ناہیں سبھ توں!

## کیویں

میں ست بہاراں لٹیاں  
وے مینڈیاں سدھیاں ہوون چٹھیاں  
مینٹھوں میریاں شیواں کھسیاں  
تے ہتھ مہاراں ناہیں  
ڈاچیاں تے کہاں ناہیں  
فیر کیویں میں سچ تے چڑھساں؟

نی میں تریمتی رب دی ہاں  
میں کن ورنہ لہیں؟

## نی میں آپے لائیاں

آ تیکوں چیرا کریواں  
وٹانواں اپنے چولے  
خورے رتے ساوے کالے میلے  
تیکوں پانواں تے دھوتی ونجاں!

میں چھلنی وچ چھنے سی ورھے  
پر ہتھ پلے کج آیا نہیں

## تینڈے انگ رچی

وے میں تینڈے انگ چ رچی  
تینڈی اک وچ مچی  
میکوں بالن دے رگاں نی سواہ  
تاں جے پریت مینڈی نا بلے دیوا  
یگ بیٹے  
ایس جگ نے سچ نہ تکیا  
مینڈا مان رکھیں وے سچیا!

کچرک نیوں تکدا ناہیں  
کدی تاں سُن سی آہیں

## کدی تاں کھڑسن پھل مکھانے

کدی تاں کھڑسن پھل مکھانے  
کدی تاں ملسن لوک سیانے  
کدی کھڈاسیں توں ایانے  
کدی تاں گھیسیں لاگ

## سانجھ

توں تے میں وچ فرق نہ کوئی  
ہن ہنجواں دے جنڈڑی روئی!

## مینڈے چاراں پاسے بھور

جند نچے بن کے مور  
میں لہسنی آں کجھ ہور  
جیہڑا روحاں ناچت چور!

گُوڑی سیج ہے سدھراں دی  
ہرئی کھیڈ مقدر اں دی!

## پریم کنی نا تلک میں لاواں

پریم کنی نا تلک میں لاواں  
اپنے مکھ کوں سندر پاواں  
ورھے نے پھل فی مالا گانی  
عمر ہنڈاواں جوگی نال  
پریت مینڈی روگی نال!

## شگن مناوَن سکھیاں

سرتوں پیر دے نو نہواں تیک  
رتیاں تلیاں رُنیاں  
میں آپ تینڈے نال منگیاں!



## جوگ بیراگن

میں جگراتے پٹ کے موئی  
میری اکھ سُہاگن ہوئی  
مینوں جمن والی روئی  
میں جوگ بیراگن کوئی  
میں تن جھجری سی دھوئی  
مینوں قلعی کرے نہ کوئی  
سیو! ہیر پرانی ہوئی  
ریت چوں نکلیا بھوچن  
شالا جند ڈنگے نہ کوئی

## اُڈیک

پھاہیاں گل وچ پائیاں  
تے میکوں لوک سدن شدائی  
من اندر کیس مشک رچائی  
میں روح نیں وچ صفائی  
تے جُتے تے معنے نے چکڑ لکھائی  
کور پوتر اکھ  
جیہڑی ویکھے میکوں رج!

چوگ حیاتی نیں دانے نی  
مت پکاسیانے نی

## رانجھن ویہڑے وڑیا نی

رانجھن ویہڑے وڑیا نی  
مینڈا جھگا سڑیا نی  
ایہہ کیہ کاراُس کریا نی؟

مینڈا مل انمل وے رانجھن  
نہ مٹی پھول توں رانجھن

میں ہی تونب وجاوندی رئی  
اپنی اک ودھاوندی رئی

جوگی دے مگرے نہ لگی  
میرا بھائیں کہاوندی رئی

اوکھی راہ عشق نی سیو  
اوکھی ایس نی بھاہ  
چت نوں راضی کردیاں کردیاں  
سرنوں لین کوا  
رائگی ساڈی گودڑی  
لعل نوں لوے لکا

دھرتی دھرتی پُجی  
لہوں ناتیکا لا  
خیریں مہریں راہ اُلیکن  
نسلاں دین مُکا!

نی میں ہاسہ روندی  
تے ہنجو چھنکدے  
مینڈی گُوک ج  
شوکر پیارنی  
رائخن کوں پکارنی!

## امبر یے

آجا کھیڈیے حال  
لکھیے نویں سے نی چال  
انساناں وچ جنور نے دسے  
ایہناں کوں سنبھال  
میں کن زمینی ہوویوں  
کھ دیکھاں ہونواں نہال  
توں کیتا عجب کمال  
میکوں کیتا مست نڈھال  
جد چنگھی پیر عشق نی  
میکوں آئی سرت جمال  
میں مچ وچ ماری چھال!

## کافی

اک دھاگہ نہ ٹٹے  
مینڈے لیکھاں والا  
تینڈے پیار نے جوت جگائی  
کیا چاننی پائی

اک دھاگہ نہ ٹٹے  
مینڈے سائیں والا  
جس دنیا نویں نکائی  
میں سُرَت گنوائی

اک دھاگہ نہ ٹٹے  
مینڈے مُرشد والا  
جس مَن وچ بوٹی لائی  
کیا مُشک رچائی

اک دھاگہ نہ ٹٹے  
مینڈے باطن والا  
جس تو نڈی دید کرائی  
کیا مورت پائی!

نی سڑ گیا میرا سالو  
میں کنج ویا ہواں گی؟

ٹٹ گئے میرے گھنگرو  
میں کیہ چھٹکاواں گی!

کتھے گنوائی مُندری  
کیہ انگل پاواں گی  
کتھے گویا ٹکا  
کیہ متھے لاواں گی؟

کتھے کھسیا جھومر  
ہن کیہ سجاواں گی

کہنے لے میرے جھمکے  
کیہ کنی پاواں گی؟  
میں بھاگ بھری ہاں رب وے  
توں مینڈے مچ وچ مچ وے  
میں ہی آں پورا سچ وے

تینوں دھاگہ دھاگہ اُنیا  
تینڈا ہر غم میں ہے سُنیا  
تینڈا پیار میں رُوح چ پُنیا

توں تپکا تپکا جنیا  
تے وِت توں رب ہیں بنیا  
تیکوں اول آخر منیا  
میں بھاگ بھری ہاں رب وے!



## گورتمرنی بھری

گورتمرنی بھری  
تینڈے خیال نی چانی  
میکوں کرسی ہری!



خالی

نہندہ مہربان نہ ہوئی تے سوال دھمال پاندے رہے  
شاہ لطیف سرہانے کھلوتے مُسکاندے رہے  
شیخ ایاز نیں گوہڑی اکھ نال تکیا  
سچل سائیں توں چکھیا تے اوہ چُپ رہے  
سارے بھید جاندے سن  
پر دسدا کوئی نہ سی  
ہڈ بیتی لئی کس ول ویکھاں  
ہن اوہ کون  
جنھیں میرے لئی دعا منگی تے پورن ہوئی  
بھلا روح دی گلی وچ سجدہ کون کرے  
کیویں جان حوالے کر دے؟

خالی

## Confession

شاہ حسینا میں ہاں تینڈے قلم نی چور  
مینڈے ورگی نہ تھیںسی ہور!

خالی

## آسکھئیے ہک کافی لکھیے

آسکھئیے ہک کافی لکھیے  
شاہ حسین نیں ناں  
جمن والی ماں نیں ناں  
جس نیں رُکھ نی اوہ سی چھاں  
جس نیں پیو دی اُچی تھاں

شاہا میں کتنا نہ جاناں  
نہ ترخنے بیٹھی میں  
نہ کوئی داج مینڈے ہتھ پلے  
کیکر جانواں تیڈے ولے  
سامیں نکھٹ نوں کیویں جھلے  
میں تیکوں ہی سد پائی  
تیکوں واج نہ آئی؟



نہ میں سوت اٹیریا  
نہ میں تند بنائی  
نہ سکھیاں کھیڈیا حال  
نہ ملیا کوئی کمال  
جد دل فی دھونی لائی

تینڈی مشک ستائی  
میں تو نڈے ول نسنی آئی!

کیوں بنیوں درویش فی مائے  
کیوں اُنیا ایہہ کھیس فی مائے!

## وے میں پیر مناون چلاں

کس نے دوار  
دیوا بالاں کیں درگا ہے؟  
دھاگہ بنھاں کیہڑی ٹہنی  
تویت گھلاں کس پانی نوں  
ذات صفات نے جھیرے کور مُکاوے  
اکلاپے نا بھوچھن کور سکھاوے  
کور کرے چت کوں راضی  
کور دیوے جیون نی گواہی  
سارے ٹونے ساتھوں رُسے  
سارے راگ چپ نی ہک مُسکان  
سارے سازاں نے سرنیویں پاکے روون  
ساتھوں سارے اپنے کھوون  
کور پُرے نی داء بنے

کور بنے مکھر نا نگھ  
کور بنے چیر نی رت  
ساڈے انگاں وچ ہے دکھ  
تے انت سے نی کوک!

## تینڈے دوار

چراغ نا میلہ  
پیراں نیاں تلیاں  
تیل چڑھے  
ہک پوڑھی تے پیڑاں دھر دی  
ہک تے دل سڑے  
توں ہی پریت مینڈی نا لیکھ بھریں  
سُفنے نوں سچ کریں  
اگاں نا مچ بے  
تے مینڈا چراغ جلے!

## شاہ حسینا

وے توں ذات جولاہا  
لکھ لکھیں سنگ تانی  
وَت رگاں کوں کھج کے اُنیں  
تے چڑے مینڈے رگ بے  
بھوچھن مینڈے سنگ رچے  
میرے لوں لوں نوں توں کجیں!

باہو

تیری ہوک مینڈے وچ لُکدی  
میں حیاتی کیویں بھوگدی  
میں جی جائی جوگ دی  
میکوں سریوں پھل بنادے  
مینڈی اُجڑی جھوک وسا دے!

اُج عرش تے میلا رانجھنا  
تینڈی ہیر ہوئی ودیاع

ہونی

سانوں جاگ لگی  
شاہ حسین والی  
تے گرھتی پائی بکھے نیں  
ہجر وصال دے چولے پائے  
اساں عشق کما کے ہنجو پیٹے  
لاساں پیاں جُٹے تے  
کون رُٹے ایس دُکھے تے؟

دھرتی نوں اسمان کیتا  
ایویں اپنا جہان کیتا

## گوک فریدا

کدی تاں ساڈی سار لے  
کدی تاں ساکوں وی تینڈا دوار ملے  
کدی تاں گنڈی کھول  
کدی تاں توں دی بول  
تینڈیاں اکھیاں  
ساکوں ٹھنڈیاں کرن گیاں  
تتیاں ہواواں نہ سڑن گیاں  
روہی دی ریت کدی تاں اساڈے پیروی چمسی  
کدی تاں اساڈے ورگے تینڈا مکھ تکن گے  
کدی تاں جپے نی فصل اُگے گی  
ہجر گھڑی رُکے گی  
تے ملاپ ناپل آوے گا  
ساڈا سوہنا کل آوے گا



مینڈے پُرکھاں بنجر دھرتیاں تکیاں  
تے میں کن رکھیاں  
میں ریت نبھاوندی تھک پئی آں  
تد تو نڈے ول تکی ہاں  
وکیھ مینڈی اکھیاں وچ ریت رڑک رہی اے  
توں ہی ایس ناں مل ہے پاونا  
تے میگوں سدا سہاگن بناونا!

## یار فریدا

تیرے عشق دی کئی پھڑکے  
میں تیرے دوار تے کھلی آں  
خورے سُتی ہاں کہ جلدی ہاں  
میری جھولی پھل پتا شے پا دے  
میریاں گوکاں سُن وے اڑیا  
میریاں ہوکاں کنیں پا  
میرے بھاگ جگا  
میرا جی بھرا  
تے سُفنے سچ بنا  
روہی میرے پیراں پٹھوں نسی جاوے  
ایس وچ مینوں وی دفنا  
تھلاں وچ حیاتی پندی

میں ازلاں توں نہیں ہاں تھکی  
یار فریدا صاحب!   
میرا پندھ مکا  
مینوں گل نال لا!

## درگا ہواں تے جلیں پاؤ

درگا ہواں تے جلیں پاؤ  
سیو! رُٹھڑا یار مناؤ

و پار نہیں ہے عشق یار دا  
جیہڑا دُبیاں نوں ہے تار دا  
برقاں چھوہ کے ساڑ دا  
جیون نوں نہار دا!

## بکھے شاہ

کیوں مار دتو ای  
گھنگھر و بن کے ناچ دتو ای  
عمران دا ایہہ کاج دتو ای  
چیون دی ہک آس دتو ای  
گھنٹ کیوں مینڈا لاه سٹو ای  
کاگاں نوں کیوں ماس دتو ای  
پنڈے نوں کیوں لاس دتو ای  
ازلاں دی توں پیاس دتو ای

بکھے شاہ میں درد فراق نہ سہندی  
جے تیرے من وچ رہندی

## وے بکھیا

مینڈے سیک کوں  
توں وی سہہ نہ سکيا  
دوجیاں نال جھیرا کیہ؟  
اوہ تاں مینڈے جانو نہیں  
کوئی ججن وی ہانی نہیں  
پرتیکوں ہے پتہ  
میں قول قرار سی کیتا  
پیریں گھنگھر و پا کے  
تو نڈے دوارتے جا کے  
میں رج نچاں گی  
ہڈ ہڈ نال تھکاں گی  
پرتوں میکوں

گھنڈ اوہے رکھنا چاہنا ایں  
وت کاہنوں ایہہ آکھنا ایں  
تینڈے عشق نچایا  
کر تھیا تھیا تھیا!

بُکھے شاہ

بُکھے شاہ  
میں درد فراق نہ سہندی  
جے تو نڈے من وچ رہندی!

بُکھے شاہ جی

میں سوچاں  
توں طیب سُنیدا  
مینڈی بیڑی دُبی شوہ دریا  
جا عنایت کوں ترلا پا  
رانجھنا میکوں رستے پا!



## شاہ عنایت جی

میں چُنی وچ بھرے سی پھل  
تے لنگر نے چول سی کھائے  
تے سوچیا  
کیہ توں میکوں ملیا سیں  
مینڈے ول وی تکیا سی  
وَت درد وراگ پھرولیا کیوں نہیں؟  
میں نال گوشہ کریا کیوں نہیں؟

## شاہ ہوراں دی بھینٹ

مینڈے شاہ لطیف بھٹائی  
تیری خاطر اک پنجابن  
نگے پیریں  
میلاں دا اوکھا لہما پیٹھا کٹ کے آئی  
سچی میں تاں ہرُ وچ رڑھدی آئی

مینڈے شاہ لطیف بھٹائی  
توں ریت دی چدر انگ تے پائی  
پریم دی پریت سوائی  
نیناں وچ جو دسی  
اوسے روح دی بات نہ پائی  
وے توں کیہڑی جوت جگائی

مینڈے شاہ لطیف بھٹائی  
 بھٹ تے ڈیرے لائے  
 سبھ گچ بھل کے جوگی بنیوں  
 تے سوچاں دی بھندی اگ چوں نکلے  
 شعلے ورگے حرفاں نال  
 کافی، وائی دی سوہنی صورت  
 شعراں دے وچ ڈھل کے آئی  
 تیری کافی گاوندے اسی تھکدے ناہیں  
 تیری وائی کیہندے اسی سنگدے ناہیں  
 فیرتوں حُسن مجازی چھڈ کے  
 حُسن حقیقی لبھیا  
 تیرے وچوں نظری آون  
 سارے صوفی شاعر  
 توں ای بلھا  
 توں ای وارث  
 توں ای شاہ عنایت

توں ای محمد بخش سدا یوں  
توں ای گوک فرید سوہنے دی  
مینڈے شاہ لطیف بھٹائی  
آو سارے تند و جاییے  
رل مل کے فر بھنگڑا، جھومر، ستمی پایے  
ایہ پیار دی تند اکھری  
جیہڑی شالا ٹٹے ناہیں  
مینڈے شاہ لطیف بھٹائی

روم روم وچ تیرے دتے سُر پئے نچن  
سبھے پاسے مچ پئے نچن  
سبھے شعراں وچ رل بولے  
تیری سوچ نے ساز بنایا  
دمورا جیہدا ناں سدا ییا  
آو رل کے سارے  
بھٹ شاہ اُتے گنڈلی مارو  
فیر بلاو اپنے سوہنے یارنوں  
سچے اپنے پیارنوں  
مینڈے شاہ لطیف بھٹائی

تیری خاطر اک پنجابن  
ننگے پیریں  
میں دا اوکھا لٹما پینڈا کٹ کے آئی  
سچی میں تاں ہرُ وچ رُڑھدی آئی

## بابیاں لئی

تُسیں سیانے او  
تے کھوج دی بات وی جاندے او  
رُوح کوں چولانواں پواؤ  
وَت کوئی چمکار تکاؤ!

میں عائشہ اسلم نوں اپنیں ہتھیں قتل کیتا تے میں کھڑکھڑپئی ہسنی آں  
تے ہسدیاں خورے اکھیاں کیویں بھج جانڈیاں نیں  
اپنے آپ توں نکھڑنا سوکھا نہیں  
میں اپنے کئے ای روپ وٹائے  
پر جوگن روپ سنہرا  
تہاڈی نہیں صرف اپنے صاحبہ لئی  
میں تیری ہوئی!  
مینوں ہور نہ جانے کوئی!

سجناں تے دشمنان بنا میں ایس راہ تے پیر نہ دھر سکدی سی  
مینوں میں ول موڑیا  
ورھیاں مگروں عائشہ اسلم نوں حیاتی دتی  
سب روحاں لئی مٹھی نگاہ پریت آلی  
آج میں سب دے معنے لاہ دتے دھوچھڈے سارے درد  
ورھیاں نے جھولی بھری تے میں شکر دی تسبیح پڑھی

ابو جی۔ امی جان۔ ظہیر بھائی جی۔ بھابی جان۔ سارہ۔ شاہ شمس۔ منیر بھائی  
صاحب۔ تاج بھابی۔ منصور۔ علی۔ عباس۔ اکرم بھائی جان۔ باجی ناہید۔ ہنا،  
عثمان، یحییٰ میا، مزنہ، عزمہ وغیرہ سب لئی پیار تے شکریہ \_\_\_\_\_ میں تہاڈی سوچ  
توں ودھ تہانوں چاہندی ہاں۔ تسیں سب میرا مان ہو \_\_\_\_\_  
جند جان ہو۔ جیو تے حیاتی داسکھ لوو \_\_\_\_\_

صلہ، حنا، عکس نشانی لئی دعاواں!  
نقش لئی آساں بھریاں دعاواں



### عائشہ اسلم دی پنجابی کتاباں

- 1 لکھ تے کانے (نظمیں)
- 2 گُوک (کہانیاں)
- 3 لمی اڈاری (کہانیاں)
- 4 کھاری (کہانیاں)
- 5 لکھ سوال تے کلی میں (نثر)

### عائشہ اسلم دی اُردو کتاباں

- 1 نیند کی سلوٹ (نظمیں)
- 2 سلاخوں سے ادھر (کہانیاں)
- 3 جوالا مکھی (کہانیاں)
- 4 لمحہ (اقوال)
- 5 رقصِ مجذوب (ناول)

### عائشہ اسلم دی انگریزی کتاباں

- 1- It's Cold Inside (Poetry)
- 2- Ux The Shadow Remains (Compilation)